

BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM  
Radna komisija za ustavna i pravna pitanja  
Broj: 01/1-011-162/00  
Sarajevo, 22. 06. 2000.

## Z A P I S N I K

### 21. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 22. juna 2000. godine

Sjednica nije počela s radom 21. juna, zbog nedostatka kvoruma (sjednici su prisustvovali članovi Komisije: Rasim Kadić, Bogić Bogičević i Ana Havel), te je sjednica odgođena i određen nastavak za 22. juni.

U nastavku, 22. juna 2000. godine, koja je počela u 11 sati, prisustvovali su: Mirko Banjac, Bogić Bogičević, Miodrag Deretić, Ana Havel, , Rasim Kadić i Hilmo Neimarlija.

Sjednici nisu prisustvovali: Milenka Bošnjak, Sejfidin Tokić i Ljubomir Zovko, koji su opravdali odsustvo.

Pored članova Komisije, sjednici su prisustvovali: Seada Paravlić (ispred predlagača Edhema Bičakčića) predlagači Nikola Špirić i Ibrahim Đedović, Enisa Hadžović, (ispred predlagača Harisa Silajdžića), Christopher Harland, ispred OHR, predstavnici Ureda Ombudsmena BiH i Vedran Hadžović, sekretar Komisije.

Za sjednicu je predložen i usvojen sljedeći

### D n e v n i r e d :

1. Program rada Predstavničkog doma Parlamentarne skupštine BiH za 2000. godinu,
2. Nacrt zakona o preuzimanju dužnosti člana Predsjedništva BiH u toku trajanja mandata,
3. Nacrt zakona o Ombudsmenu Bosne i Hercegovine (predlagač: polanik Edhem Bičakčić),
4. Nacrt zakona o finansiranju političkih stranaka u BiH (predlagač: poslanici Nikola Špirić i Ibrahim Đedović),
5. Nacrt zakona o međudržavnim i međuentitetskim komunikacijama (predlagač: poslanik Haris Silajdžić),
6. Nacrt zakona o međudržavnom i međuentitetskom željezničkom transportu (predlagač: poslanik Haris Silajdžić),
7. Nacrt zakona o finansiranju željezničke infrastrukture (predlagač: poslanik Haris Silajdžić),
8. Nacrt zakona o osnovama bezbjednosti željezničkog transporta (predlagač: poslanik Haris Silajdžić),
9. Nacrt zakona o ugovorima o prevozu u željezničkom transportu (predlagač: poslanik Haris Silajdžić),
10. Nacrt zakona o unutrašnjoj i pomorskoj plovidbi (predlagač: poslanik Haris Silajdžić),
11. Davanje saglasnosti za ratifikaciju ugovora o državnoj granici između Bosne i Hercegovine i Republike Hrvatske,

**AD. 1:**

Komisija je jednoglasno utvrdila da postoji ustavni osnov za donošenje Programa rada Predstavničkog doma Parlamentarne skupštine BiH za 2000. godinu, da je podnešen od ovlaštenog predlagača i ocijenila da je Program rada potrebno donijeti. Komisija nije imala primjedbi na dio Programa rada "Zakonodavna djelatnost".

**AD. 2:**

Komisija je ranije utvrdila da Nacrt zakona nije u skladu sa Ustavom BiH i konstatovala da je u ranijoj proceduri ovaj tekst zakona odbijen, te smatra da ga ne bi trebalo ponovo razmatrati na sjednici Predstavničkog doma.

**AD. 3:**

Komisija je jednoglasno utvrdila da postoji ustavni osnov za donošenje Zakona o Ombudsmenu Bosne i Hercegovine i da je podnešen od ovlaštenog predlagača. Komisija se nije upuštala u suštinu i sadržinu nacrta ovog zakona.

**AD. 4:**

Komisija je jednoglasno utvrdila da postoji ustavni osnov za donošenje Zakona o finansiranju političkih stranaka u BiH i da je podnešen od ovlaštenog predlagača. Komisija se nije upuštala u suštinu i sadržinu nacrta ovog zakona.

**AD. 5 - 10:**

Komisija je, sa 3 glasa za, 1 glasom protiv i 1 suzdržanim, utvrdila da postoji ustavni osnov za donošenje Zakona o međudržavnim i međuentitetskim komunikacijama, Zakona o međudržavnom i međuentitetskom željezničkom transportu, Zakona o finansiranju željezničke infrastrukture, Zakona o osnovama bezbjednosti željezničkog transporta, Zakona o ugovorima o prevozu u željezničkom transportu i Zakona o unutrašnjoj i pomorskoj plovidbi. Komisija se nije upuštala u suštinu i sadržinu nacrta ovih zakona.

**AD. 11:**

Komisija je ranije utvrdila da postoji ustavni osnov za donošenje Odluke o davanju saglasnosti za ratifikaciju ugovora o državnoj granici između Bosne i Hercegovine i Republike Hrvatske.

Za izvjestioca Komisije određen je Rasim Kadić.  
Sjednica je završena u 11,35 sati.

PREDSJEDAVAJUĆI  
Rasim Kadić

SEKRETAR  
Vedran Hadžović